

書名 皇明文衡一百
卷 正德五年
序刊本
撰者 明 程敏政 輯
明 范震、李文
會 校

卷 卷七十四
內容分類 集 總集 各代 明

索書號 大木-集部-總集類-30
編號 D7861500

彩色首頁1

東洋文化研究所漢籍目錄 編號: D7861500


東洋文化研究所漢籍目錄所藏漢籍善本文影像資料庫 索書號: 大木-集部-總集類

30 漢籍善本文影像資料庫文本 皇明文衡一百卷 正德五年序刊本

版權所有: 東京大學 東洋文化研究所

使用上的注意事項

卷七十四



皇明文衡卷之一

代言檄

原檄



翰林院學士新安程敏政選編
鄉進士國子監助教永康范震校正
賜進士應天府儒學教授郊鄧李文會重校

宋濂



自古帝王御天下中國居內以制夷狄夷狄居外以奉中
未聞以狄治天下也自宋祚傾移元以北狄入主中國
不臣服此豈人力實乃天授然達人志士尚有
美自是以後元之臣子不遵祖訓廢壞綱常有
如大德廢長立幼泰定以臣弑君天曆以弟醜兄至於弟技

右

帝曰嘻哉朕心曷究追王黔寧錫光京畿以享以祀以介繁禧推尊王爵上及三世澤遠漏泉無幽不屆子孫繩繩世有封爵允忠允孝以求天祿觀山之原神道有明刻銘貞石以勒殊勳

皇明文衡卷之七十三

皇明文衡卷之七十四

神道碑

勅贈開國輔運推誠宣力武臣榮祿大夫往國同知大都督府事陸安溪許國襄簡王公神道碑銘有序

劉三吾

許國襄簡公既葬有年洪武之二十年冬十有一月己亥皇帝御奉天門以工部奏公墓隧之石已具勅翰林學士院爲文賜其家俾饒焉臣二吾職在紀述不敢控詞則退而稽其世次官代行事之實序而銘之臣聞天生

聖上聰明時又當元政秕僻寓內幅裂群雄角起竄以君主治其爭亂則有能羆之士不二心之臣若徐常兩王佐命討伐襄簡王公單秉義效順以會其成功大一統之業者

亦天所畀予者哉公姓王諱志世鳳陽臨淮人性鷲猛有智謀臨陣對敵果毅無前至正壬辰三月土寇蜂起舉鄉兵取濠州且守且戰甲午前克滁州勢劇破竹知天命攸歸在今上疏附來從乙未濟江得采石太平破中承蠻子海牙水寨進拔建康丙申七月調隸總兵同簽樞院徐中山圍常州屢騰柵先登身犯矢石功聞授懷遠大將軍右副元帥丁酉三月常始下公功爲最後恢復宣州江陰宜興高郵等州府多著戰績中山悉其能公克摠其智勇故也辛丑秋九月侍上親下安慶諸郡邑壬寅夏四月復隸中山身先馳戰江西諸州縣望風崩角癸卯八月乘海艘縱御舟賊陳友諒于彭蠡友諒中流矢死擊走其餘黨于注口之水寨甲辰三月上親征湖廣武昌公旣督諸將一稟睿筭與賊選最途下之

載從中山復廬州拔安豐逐北姑蘇張士誠軍陞飛熊衛親軍都指揮使總兵守禦陸安州明年春改授陸安衛指揮使戰守戢緩敵讐民附戊申春正月

上正宸極國號大明改元洪武其夏五月奉旨將本衛兵征迤北次汴梁尋調征河南冬十月從馮勝宋國公度黃河迤邐進取懷慶澤潞等府州徃徃所部直前無堅陣是臘徙鎮平陽居三年移守漢中仍駐師陝西明年將其全軍深入察罕腦兒絕塞却胡遠遁還軍平陽冬十一月勅贈開國輔運推誠宣力武臣榮祿大夫柱國同知大都督府事封陸安侯五年從中山征朔漠大獲虜而還九月又從傅友德今穎國公征雲南所向克捷十七年凱還京師十九年八月十七日以疾薨于第

上為之震悼罷朝賻贈有加追封許國諡襄簡公生正統乙亥正月九日春秋五十有二以薨之十月二日勅葬鍾山之陰會祖考四一公鎮國將軍僉大都督府事護軍追封羅山縣子妣董氏追封羅山縣子夫人祖考五一公驃騎將軍親軍指揮使護軍追封太原伯妣甯氏追封太原伯夫人考六三公榮祿大夫同侯妣潘氏追封陸安侯夫人室潘氏從封許國夫人先公薨生至順壬申五月十九日薨洪武庚戌三月始葬鳳陽臨淮至是從公祔焉生男四人長威次域次璣次琛女一人適黔國公子景孫男三女二揆公功行是宜銘詞曰

先時寓內助勦弗靖丞民有主資以戡定效用者將鷹揚其人徐常兩王開國蓋臣各有瓜牙奮其威武惟襄簡公久佐

徐府既定江淮亦拓中原目河祖陝益西其鞬絲淮而北極是朔漠轉征雲南卓著勇略最公在軍沐雨櫛風惟知徇國

違卹厥躬陸安受國方倚大用天不救遺苗梁遽夢

上為震悼卹典是頒許國襄簡許諡具完鍾山之陰公所藏

空壽正名垂燁然竹帛不朽其表有容其碑千秋萬禩永

無期

勅增開國輔運推誠宣力武臣榮祿大夫柱國同知大都督府事鞏昌侯追封陝國公諡宣武郭公神道碑

洪武二十年冬十月己亥

皇上御奉天門工部侍郎臣奏達奏故鞏昌侯墓道之碑已具且得文及時錄之有旨翰林學士院製文臣二吾職在

詞垣不敢以才學譎淺爲辭謹按其世系功勳年爵次第而
銘之臣聞 天興

聖代大有爲之君必篤生壞偉英男之將與之會遇以輔成
其大業雖人也實天也當元季王政不綱在所裂裳爲旗荷
挺爲兵草野自雄罔所適主時則

今上皇帝龍興鳳陽天人合應有若中山開平兩公傑出其
間是固功無與儼矣其知所趨向先後䟽附厥有成蹟若鞏
昌侯臣郭子興者亦豈偶然哉子興世鳳陽人拳勇有膂力
善騎射自癸巳歲起兵首隸元帥郭某麾下卽知所適主明
年得滁州又明年得和州亦旣從 龍濟江若采石若太平
若溧陽溧水所向崩角義勇之聲日以溧矣丙申三月隨大
軍進拔臺城先登授管軍總管繼陞統軍元帥攻圍常州身

紀矢石晝夜不解衣甲爲生蠟蠟九閱月城始下被賞優
載調克宜州江陰宜興婺州安慶衢州勢劇破竹壬寅分兵
之江西南昌得其全城癸卯八月進克鄱陽彭蠡之戰海艘
駢進戒嚴所部人有其勇陳反計言慶 中流矢死人知天
命有歸矣甲辰春侍

上親征湖廣武昌洒血馳戰多所斬獲用屢功擢鷹揚衛指
揮使簡在

上心俾從中山王拔應州拔安豐率先陷陣大敗姑蘇張士
誠爲之奪氣其平襄陽下衡州定澧州長州轉而鞞高郵踣
淮安截拔瀟西湖州坐困姑蘇往往暴倉力戰中山王以公
之勇功闡陞鎮國上將軍大都督府僉都督吳二年正月改
洪武元年

上卽位有事備攻命其軍進討中原搃守潼關三年 獻
一迹不敢南移成警昌招摩通殘嚴敵部曲西戎羗夷兩境
帖然進封警昌侯方傳之永鎮西垂而溢先朝露薨于家矣
上為之震悼號朝三日賜贈有加追封陝國公諡宣武以洪
武十七年冬十月一日薨葬寶山之原曾祖考其贈鎮國
上將軍命大都督府事國追封光山縣子妣某氏從封光
山縣子夫人祖考其贈驍騎將軍都指揮使追封汾陽伯妣
趙氏從封汾陽伯夫人父其贈驍騎大夫同知大都督府事
柱國追封警昌侯妣單氏從封警昌侯夫人配王氏封警昌
侯夫人皆由公貴也 恩予男四人長景儀卒于五國次振
次宗次官僧公生以其年某月某日薨以其年某月某日壽
五十有四惟公自開國以來從能上下盡瘁所事所以英

勇聞是故攻無不克戰無不勝視轉萬里之遠歷歲之久若
又朝夕焉雖鋒矢交集飢渴不時咸不避師必盪滅渠
歸報終事乃已其依 日月之光仗雷霆之威以恢拓疆
宇勒勛西垂者亦人傑也哉詞臣揚厲為職是宜有銘詞曰
聖皇受命 龍興鳳鳴戡定禍亂經略封疆篤生武臣先後
相望維陝國公實生

帝鄉沈鷲其勇鐵石其剛乘風雲會依日月光旌麾所指敵
摧鋒芒底定東南載戢戎羗萬里之遠如在室堂生前封侯
式是鞏昌身後封公亦此西方聚寶之原不食之岡佳城鬱
鬱公所固藏詞臣載筆德音靡忘子孫善保奕世流芳

大明左柱國信國公贈東甌王謚襄武神道碑銘

方希古

洪武三十一年九月壬辰

皇帝御奉天門故東甌襄武王之孫昱頓首言曰先臣和沒已三年墓道之碑已具而未有刻文惟陛下憫之俾史臣有述焉制曰可臣昱至翰林以文爲請臣謹以其事聞有詔俾爲之銘臣乃言曰昔元德旣衰天下大亂我太祖高皇帝以神武明聖之資哀生民之無辜奮袂一麾四方響應爰夷僭盜蕩滌兇奸十餘年間遂濟大業雖曰天命所屬不以智力然猛將名臣之勛著于王室有可徵者昔王之歸鳳陽新第也

高皇帝有餞賜之勅其薨也有祭誄之文

帝自謂與王同受知滁陽稱其智勇過人命勒石以紀勞績聖情深厚矣今

陛下不遺舊而賜銘其碑以寵綏湯氏實行

高皇帝之遺志臣執筆從太史後何敢卒讓謹按故關國輔運推誠宣力武臣特進光祿大夫左都督左柱國議軍國事信國公追諡襄武封東甌王妣湯氏諱和字鼎臣世居鳳陽縣之東湖里曾祖五一府君祖六一府君皆以王貴追封信國公考七一府君贈特進光祿大夫右都督左柱國追封信國公會祖妣蔡氏祖妣周氏妣謝氏俱封信國夫人王幼喪二親卓越有奇志嬉戲常習騎射指使群兒父老異之及長身長七尺侖饒智略元至正間豪傑多起兵據郡縣王亦思自奮拔以取富貴壬辰歲聞滁陽王據濠兵勢強率所厚壯士千餘人仗劍從之滁陽王奇王驍勇置之麾下使從諸將路地每在前行命爲百戶取九彎攻濠之定遠得兵千五

百人擢爲千戶時

高皇帝處滁陽王甥館王委心推奉率兵從大洪山寨得兵八百陞長萬夫復從攻滁州其守帥以功多授管軍總管招集士卒益衆又明年甲午

帝自取和州諸將多滁陽王舊部曲願望未盡効臣禮惟王以所領兵聽命甚謹

帝心嘉焉會義兵元帥陳也先復攻和州王與將士擊走之乙未六月

帝渡江下采石定太平王獲敵馬三千士卒稱是旣而也先與其將康將軍水陸分道寇城王繫其水軍矢中左臂怒氣益奮中山王徐公達寧河王鄧公愈帥師出東門轉戰城北破其步軍遂生擒也先以獻王分兵取溧水句容克而守之

丙申

帝定建業三月王偕中山王取鎮江一日克其城兵不血刃

世統兵元帥復同中山王取金壇及富莊七月轉同僉樞密院事丁酉三月克常州奉命鎮守其地攻取江陰明年僞

吳張士誠兵寇常州王力戰却之擒其卒三百十月復來寇

俘甲士千餘舟數十艘馬數十匹賊勢爲之少沮壬寅偕中

山王攻無錫癸卯大破士誠兵于楊山斬其梟將獲甲首五

百級逐其別將莫將軍虜其妻子以還拜中書左丞甲辰士

誠弟僞丞相士信寇圍長興王率步將吳福興會開平王常

公遇春軍合戰士信大敗而退超遷中書平章乙巳擊江西

劇盜姚大膽斬之遂取永新州戮僞左丞周安等籍士馬歸

于京師仍出守常州丙午

帝命諸將伐士訃略大湖營于舊館降僞將呂左丞等虜其
兵二千馬八十匹轉戰湖州守將張右丞降進擊吳江州將
不能格亦降遂薄姑蘇闌之明年丁未爲吳元年九月中山
開平與王益督兵力戰卒平姑蘇縛士誠以歸三吳悉定除
御史大夫兼太子諭德階榮祿大夫時方谷珍據滬台慶元
三郡與士誠比境聞士誠敗固已震恐王督諸軍征之谷珍
懼乘大船逃匿海島中王遣人持書喻以 國家威德谷珍
卽率昆弟子姪待罪軍門得兵械舟楫以萬計所至不擾王
之功居多乘勝下福州戊申

帝卽大位改元洪武王略定閩中諸郡至延平主帥陳友定
占險橫甚令其副出城降觀望持兩端士虜之以歸東南海
上巽然其歲九月

帝幸沐梁王實扈從既 長國公馬勝取懷慶澤路晉終
二年同中山王拔河中渡河入潼關趨鳳翔越六盤關隴皆
平明年與中山王宋國公至定西襲元將擴闊帖木兒營西
北取寧夏至察罕腦兒獲其猛將虎陳定東勝大同宣府皆
以勞先諸將九月還京師論力行賞錫以鐵券封中山侯號
開國輔運宣力武臣階榮祿大夫勳柱國祿一千五百石明
玉珍乘中國亂僭號四川以重慶爲都玉珍死其子昇立四
年詔王及德慶侯廖永忠統諸將征之昇鎖瞿塘峽以遏舟
師王以計敗之水陸竝進直擣僞都昇不能支率其臣屬奉
金寶以降五年同中山王北征窮追和林明年覽通州外郭
八年移鎮彰德甃其城是冬追元逋臣伯顏帖木兒于察罕
腦兒獲馬牛羊無算十年正月元日

帝念王之功加號推誠佐特進階為光祿大夫職為左都督
勳為左柱國爵為公國十信俾議軍國事加祿至三千石仍
賜鐵券王益恭畏不自驕盈繼與岐陽王李公文忠練卒于
鳳陽鳳陽濠之賜名也明年巡撫西河州繕完其城郭營舍
十四年偕中山王北伐下灰山擒其平章別里哥及樞密副
使又通又明年 詔至四川永寧治塘濠飭士馬十八年五
開山徠為亂王帥師討之夷其窟穴俘戮四萬人及入
朝王以春秋高思歸故鄉從容乞骸骨群公次第以為言
帝喜之賜寶鈔五萬俾造第宅於鳳陽而謂王曰日本小夷
屢擾東海上卿雖老強為朕行視要割地築城增戍以固守
備王築海上數十城民曰丁取其一為兵以守之二十一年
新第以成告率妻子 陛辭賜白金以兩計者二千黃金以

內計者三百鈔以緡計者一萬五千文綺四十端信郎夫人
胡氏亦賜金錢文綺甚厚俱降手敕褒嘉之二十三年元旦
朝于京師忽被末疾且失音不能言

帝聞之大驚即命駕臨視嘆惋久之遣歸故里十月 詔王
之子將命召至邸賜以安車入殿廷燕勞備至復厚賚俾歸
以俟有瘳二十七年王疾彌甚不能興

帝思見之特詔輿入覲手為摩撫語及舊勞對之雪涕賜鈔
六百五十緡預為塋葬之資二十八年八月七日薨於璽第
之正寢至是年七十矣計聞

帝感悼為之不御朝者三日追封定諡親為文授使者以祭
命親王咸遣祭于其家棺槨明器冢壙皆官為之以是年十
一月十二日葬于縣曹山之原 詔肖像于功臣祠配饗於

太廟祥禫必賜祭

高皇帝禮遇功臣加恩于王恩禮之隆時莫與比夫人有婦
德明詔稱其賢子五人曰鼎署前軍都督府僉事曰軌太原
中護衛鎮撫曰彛曰燾皆早卒曰醴同知左軍都督府階祭
祿大夫將兵征五開卒于軍女五人長適德侯廖權次為曾
王妃次適萬泉衛指揮俞鼎次適景東衛指揮賴鎮之子溶
次適楚雄衛指揮袁義之子興孫男十一人曰昱暹昇晟勗
景昇昺昶昊昇晟其嫡也孫女四人曾孫男一人女二人皆
幼王沉毅質直勇而善斷不妄發言人聞國論一語不泄
于左右行師受任有詔即行不少顧家臨敵果敢堅忍未
嘗挫衄有語及兵書者輒咲曰臨陣決機在智識敏達耳何
以泥古為家蓄妾媵百餘暮年皆貧遣寧家得賞賜多惠鄉

黨父老及孤貧無告者責任公宰及歸田里見故交遺民意
驩如也厥後群公多先物故而王獨享壽考以令名終斯固
保身之有道而始終不倦可謂盛也已今

陛下追惟創業之艱顯揚刻銘使播不朽豈獨蓋覆湯氏之
子孫蓋以昭揚

先帝之功德而垂萬世也是用備著其事而獻銘曰

於昭上帝視下孔仁降聖儲才袒慈庇民民之顛濟俾

聖康之復俾賢臣佐而襄之有元既衰天厭其亂督生

高皇拯綏大難龍奮于潛八極晦冥英傑如雲翼之以升惟

東颺王既智且武灼知天命早識

真主眾方夢夢未決所定獨斷不疑委身效忠臣或擇君杖

策千里生干

帝鄉其社孰似寶劍周戈折衝四方如虎如貔驅彼犬羊披
淮濟江以作京邑京邑所成

皇業乃集東過偽吳坐鎮毗陵不騫不傾仗義為城

帝德日宣遠懷邇服王率之行勢若破竹既平姑蘇元惡就
誅威鎮東南暨于海隅乃清關隴乃平幽冀萬邦來同獻其
琛貝

帝曰念哉劬我元勛爰啓土疆流慶後昆中山建侯遂公大

國招冠金券綉裳赤鳥海宇晏寧變夷為華民休田間穀粟

絲麻王亦白髮燕嬉甲第伊誰致之

天子之賜

天子有詔共樂太平文錦兼金侑以百朋內暨夫人亦受寵

錫爾書爛然觀者動色天實生才股肱

聖皇豐其第祿俾之壽康壽考令終孰與之同

天子之門式勸有功沒登王封從饗

宗廟始卒無瑕其忠有耀昭哉

大明如日麗天載焯鴻勳以訓萬年

東洋
研究
所
圖書





上海圖書館藏